



Ս. ԱՏԵՓԱՆՈՍԻ ՏՈՆԸ ՄԱՅՐ ԱԹՈՌՈՒՄ

Այս տարի, դեկտեմբերի 24-ին, երկու-
շաբթի օրը, Մայր Աթոռում ավանդական
հանդիսությամբ նշվեց նախավկա և առա-
ջին մարտիրոս ա. Ստեփանոսի տոնը, որը
տոնն է նաև Մայր Աթոռի սարկավագների
և հոգևոր ճեմարանի սաների:

Այս ուրախ տոնի առթիվ Մայր տաճա-
րում կատարվեցին շնորհաբաշխումներ երե-
կոյան ժամերգությունից հետո: Երեքշաբթի
օրը, դեկտեմբերի 23-ին, ողջ միաբանու-
թյունն ու հոգևոր ճեմարանի սաները մաս-
նակցում են նախատոնակի հանդիսությանը,
որը կատարվում է տաճարի հյուսիսային
թեին գտնվող ա. Ստեփանոսի խորանի առ-
ջև:

Հավարտ նախատոնակի արարողության,
հոգևոր ճեմարանի տեսչության միջնորդու-
թյամբ և Վեհափառ Հայրապետի բարեհաճ
արտոնությամբ Բ լսարանի երկու ուսանող-
ների՝ Ղազարոս Կյուրեղյանին և Վարդան
Տեղեքյանին տրվում է կիսասարկավագու-
թյան աստիճան ձեռամբ Մայր տաճարի լու-
սարարապետ տ. Հայկազուն արքեպ. Աբ-
րահամյանի:

Ապա ուրախ կրեւո իրավունք է շնորհ-
վում Ա լսարանի 6 սաներին՝ Խաչիկ Խաչա-
տըրյանին, Ժիրայր Սիմոնյանին, Կտրիճ
Ներսիսյանին, Տիգրան Սահակյանին, Տըր-
դատ Ժամյանին և Արտաշես Մուշեղյանին:
Դպրության չորս աստիճան է շնորհվում Գ
լսարանի ուսանողներին՝ Հակոբ Խաչա-
տըրյանին, Հակոբ Քյուսեղյանին, Մնացա-

կան Մուխկյանին, Պետրոս Վարդանյանին
և Նշան Մանուկյանին:

Դեկտեմբերի 24-ին, երեքշաբթի օրը,
առավոտյան ժամը 10-ին, սկսվում է ժա-
մերգությունը՝ ներկայությամբ ողջ միաբա-
նության, հոգևոր ճեմարանի ուսանողության,
դասախոսական կազմի, Մայր Աթոռի պաշ-
տոնեության և բազմաթիվ հավատացյալնե-
րի:

Մայր տաճարի կամարների տակ այնքան
հարազատությամբ և հուզականությամբ են
հնչում օրվա խորհուրդին նվիրված շարա-
կաններն ու մեղեդիները՝ «Նահատակ բարի
Քրիստոսի», «Այսօր Դասք»-ը, «Ընդ երկ-
նայնոց»-ը:

«Փառք ի բարձունս»-ի ժամանակ Մայր
Աթոռի 12 սարկավագները սաղավարտ ի
գլուխ, բուրվառներով ու տապանակներով,
գույգ-գույգ դուրս են գալիս ավանդատնից
և ըստ ավագության շարվում ա. Ստեփանո-
սի խորանի առաջ:

Առավոտյան եկեղեցական հանդիսավոր
արարողության վերջին պահն է, սարկա-
վագները տպավորիչ և ներդաշնակ երգում
են Մանկունքը՝ «Նախասարկավագ և առա-
ջին մարտիրոս» և «Ստեփանոս քաղցրիկ
տատրակ» տաղը, որոնցով և ավարտվում է
արարողությունը:

Ժամը 10-ին սկսվում է հանդիսավոր ա.
պատարագը: Պատարագում է տ. Հայկազուն
արքեպիսկոպոսը, որը և կատարում է սար-
կավագական ձեռնադրությունը:

Խարտավիլակի պաշտոնը կատարում է հոգևոր ճեմարանի տեսուչ տ. Ներսես Ծ. վրդ. Պողոսյանը: Մայր տաճարի խնկաբույր կամարների տակ գեղեցիկ է հնչում «Աստվածային և երկնային շնորհա» տաղը: Հավարտ ձեռնադրության արարողության, սրբազան հայրը իր գեղեցիկ քարոզի մեջ ոգեշնչում է նախասարկավագ ա. Ստեփանոսի ա. իությանը, նրան ներկայացնում է որպես «այր հօր, լի հաւատով և ճշմարտութեամբ», որպես նվիրումի և զոհողության մարմնացում, և ապա թելադրում է Մայր Աթոռի ավագ ու կրտսեր սարկավագներին՝ վառ պահել ա. Ստեփանոսի քրիստոնեական ոգին ու հավատքը: Սրբազանը իր քարոզի վերջում, հանուն Վեհափառ Հայրապետի, շնորհավորում է նորընծա սարկավագների ձեռնադրությունը և սարկավագների տոնը՝ մաղթելով, որ նրանք լինեն ճշմարիտ «մշակք առանց ամօթոյ»:

Ա. պատարագը երգվում է հոգևոր ճեմարանի սաների կատարմամբ՝ ղեկավարությամբ եկեղեցական երաժշտության ուսուցիչ Հ. Ֆուրունճյանի:

Ժամը 3-ին ճեմարանի սեղանատանը տրվում է ճաշկերույթ՝ ի պատիվ Մայր Աթոռի սարկավագների: Սեղանը նախագահում էր լուսարարապետ տ. Հայկազուն արքեպ. Աբրահամյանը: Ծաշին ներկա էին միաբանությունը, ուսանողությունը, դասախոսական կազմը:

Ծաշկերույթի ժամանակ առաջինը խոսք է առնում հոգևոր ճեմարանի տեսուչ տ. Ներսես Ծ. վարդապետը և շնորհավորում սարկավագների տոնը՝ մաղթելով նրանց հաջողություն հետագա գործերում և հաստատամըտություն իրենց նոր ընտրած ասպարե-

զում: Խոսք է առնում նաև հոգևոր ճեմարանի ավագ դասախոս Ա. Հատիտյանը, ինչպես նաև դասախոսներ Գ. Գյուլյանը, Ս. Անթոնյանը, որոնք գեղեցիկ ու խրախուսիչ խոսքերով շնորհավորում են սարկավագներին:

Ա. Ստեփանոսի և առաջին մարտիրոսին նվիրված տոնը Մայր Աթոռում ավարտվում է՝ անհուն ուրախությամբ լցնելով ճեմարանականների մատաղ սրտերը:

Չորեքշաբթի, դեկտեմբերի 25-ին, երեկոյան ժամերգությունից հետո, երկու նորընծա սարկավագները, գլխավորությամբ տեսչի, ներկայացնում են Վեհափառ Հայրապետին՝ Նրա օրհնությունը ստանալու համար: Ն. Ա. Օծությունը սիրով է ընդունում իր հոգևոր զավակներին, խրատում է նրանց՝ լինել ա. Ստեփանոսի նման հավատարիմ սարկավագներ Աստուծո սուրբ սեղանին, և օրհնում է նրանց ուխտը:

Երախտագիտական ու շնորհակալական սրտագին խոսքեր են արտասանում նորընծա սարկավագները Վեհափառ Հայրապետին:

1. Բարեշնորհ Ղազարոս արկ. Կյուրեղյանը ծնվել է Նիկողիայում, 1948 թվականին: Ավարտելով վեցամյա կրթությունը Նիկողիայի Մեկիքյան-Ուզունյան վարժարանը, 1962 թվականին ընտանիքով ներգաղթում են հայրենիք և հաստատվում Կիրովականում: 1964 թվականին ընդունվում է հոգևոր ճեմարան:

2. Բարեշնորհ Վարդան արկ. Տեղեքյանը ծնվել է Դամասկոսում, 1950 թվականին: Ավարտելով 1964 թվականին ազգային վարժարանը, 1965 թվականին ընդունվում է հոգևոր ճեմարան:

